

Fundargerð 902. fundar

stjórnar Sambands íslenskra sveitarfélaga

Árið 2021, föstudaginn 29. október kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Aldís Hafsteinsdóttir, Skúli Þór Helgason, Gunnar Einarsson, Guðmundur Ari Sigurjónsson, Rakel Óskarsdóttir, Bjarni Jónsson, Gauti Jóhannesson og Lilja Einarsdóttir.

Pórdís Lóa Þórhallsdóttir, Eypór Laxdal Arnalds og Jón Björn Hákonarson boðuðu forföll, varamenn þeirra höfðu ekki tök á að mæta.

Heiða Björg Hilmisdóttir boðaði forföll, varamaður hennar Skúli Þór Helgason mætti í hennar stað og tók þátt í fundinum í gegnum fjarfundarbúnað. Ásgerður Kristín Gylfadóttir boðaði forföll, varamaður hennar Lilja Einarsdóttir mætti í hennar stað og tók þátt í fundinum í gegnum fjarfundarbúnað. Kristján Þór Magnússon boðaði forföll, varamaður hans Gauti Jóhannesson mætti í hans stað og tók þátt í fundinum í gegnum fjarfundarbúnað.

Að auki sátu fundinn Karl Björnsson framkvæmdastjóri og sviðsstjórnarmir Anna G. Björnsdóttir, Guðjón Bragason, Inga Rún Ólafsdóttir í gegnum fjarfundarbúnað, Sigurður Ármann Snævarr og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerð 901. fundar - 2101077SA

Lögð fram til staðfestingar fundargerð 901. fundar stjórnar sambandsins frá 24. september 2021.

Fundargerðin staðfest og undirrituð.

2. Verkefni vegna innleiðingar hringrásarkerfis - 2101066SA

Jón Viggó Gunnarsson, formaður verkefnisstjórnar fyrir hagsmunagæslu í úrgangsmálum og Eygerður Margrétardóttir, verkefnisstjóri í úrgangs- og umhverfismálum á lögfræði- og velferðarsviði sambandsins mættu á fundinn undir þessum lið og fóru yfir verkefnin sem eru framundan við innleiðingu hringrásarkerfis, sbr. bókun stjórnar sambandsins 24. september 2021.

Stjórnin þakkar Jóni Viggó og Eygerði fyrir þeirra kynningu. Stjórnin hvetur sveitarstjórnir um allt land til að hefja nú þegar undirbúning fyrir gildistöku lagabreytinga um hringrásarhagkerfi sem taka gildi 1. janúar 2023. Aukið samstarf sveitarfélaga og meiri samræming í meðhöndlun úrgangs eru án efa lykilþættir til að ná sem mestri hagkvæmni í þeim breytingum sem framundan eru í úrgangsmálum. Stjórnin væntir þess að sambandið geti orðið leiðandi í þeirri þróun, í góðu samstarfi við önnur stjórnvöld sem að málinu koma.

Skúli Helgason vék af fundi undir lið 2 kl. 12:30 og kom aftur inn kl. 13:30.

3. Ályktun bæjarráðs Árborgar um leikskólamál - 2110003SA

Lögð fram ályktun bæjarráðs Árborgar frá 30. september 2021, þar sem skorað er á stjórn Sambands íslenskra sveitarfélaga að beita sér fyrir fullri viðurkenningu ríkisvaldsins á leikskólastiginu sem menntastofnun með því að ríkisvaldið skilgreini sveitarfélögum tekjustofn til að standa straum af kostnaði við rekstur leikskóla frá lokum fæðingarorlofs. Jafnframt þarf að tryggja leiðir til að fjármagna þjónustu við fötluð börn á leikskólum og þau börn sem hafa annað móðurmál en íslensku, t.d. með jöfnunarframlögum.

Stjórnin tekur undir bókun bæjarráðs Árborgar og telur hana vera í góðu samræmi við stefnumörkun sambandsins, þar sem kveðið er á um að sambandið beiti sér fyrir því að fæðingarorlof verði lengt í 12 mánuði án þess að það leiði til skerðingar á greiðslum til foreldra. Teknar verði upp viðræður milli ríkis og sveitarfélaga um fjármögnun leikskóladvalar að fæðingarorlofi loknu.

Lenging fæðingarorlofs í tólf mánuði hefur nú tekið gildi. Fyrir liggur skýrsla starfshóps um faglegar kröfur og fjárhagsleg sjónarmið sem taka þurfi tillit til, þar á meðal varðandi mannafla og húsnæðisþörf leikskóla miðað við áætlaða fjölgun leikskólabarna á aldrinum eins til tveggja ára, ásamt leiðum til fjármögnunar. Nauðsynleg grunnvinna hefur því þegar farið fram sem flýtt getur fyrir viðræðum um málið milli ríkis og sveitarfélaga. Við umræðu um málið kom fram tillaga um að sambandið standi fyrir málþingi um leikskólamál þar sem rædd verði framtíðarsýn fyrir leikskólastigið. Stjórnin vísar þeirri tillögu til fræðslumálanefndar og sérfræðinga sveitarfélaga í fræðslumálum til nánari útfærslu.

4. Svar við beiðni um tilnefningu í samstarfshóp vegna fráveitumála - 2009696SA

Lagt fram bréf sambandsins til umhverfis- og auðlindaráðuneytisins, dags. 20. október 2021, um svar við beiðni um tilnefningu í samstarfshóp vegna fráveitumála.

Stjórnin ítrekar bókun sína frá 28. september sl. þar sem lagt var til að stofnaður verði samráðshópur með þátttöku umhverfis- og auðlindaráðuneytis, samgöngu- og sveitarstjórnarráðuneytis, Umhverfisstofnunar, Samorku og sambandsins sem verði falið að móta raunhæfar tillögur um hvernig hraða megi uppbyggingu fráveitna.

Eins og bókunin ber með sér leggur stjórn sambandsins áherslu á að starfshópurinn fari yfir reglugerðardrögin og málið í heild sinni áður en að reglugerð verði sett. Sambandið getur því á engan hátt fallist á þá nálgun sem fram kemur í bréfi ráðuneytisins að starfshópurinn hafi aðeins það hlutverk að útfæra framkvæmd eftir að reglugerð hefur verið sett. Jafnframt er ástæða til að undirstrika að í bókuninni er gert ráð fyrir að samgöngu- og sveitarstjórnarráðuneytið eigi aðkomu að starfshópnum enda er fyrirséð að málið muni hafa veruleg áhrif á fjármál sveitarfélaga á næstu árum.

Loks áréttar stjórnin að þegar sambandið sendir skriflegt erindi til stjórnvalds er gengið út frá því að viðbrögð berist frá stjórnvaldinu, annaðhvort með skriflegu svari eða að veitt sé færi á fundi eins og óskað er eftir í erindinu.

5. Boð um þátttöku sveitarfélaga í námskeiðinu Loftslagsvernd í verki - 2110025SA

Lagt fram bréf Landverndar, mótt. 20. október 2021, þar sem kjörnum fulltrúum og starfsmönnum sveitarfélaga er boðin þátttaka í námskeiðinu Loftslagsvernd í verki, ásamt upplýsingum um námskeiðið. Þátttaka í upphafi verður sveitarfélögunum gjaldfrjáls en gjaldskráin yrði síðar meir endurskoðuð ef framvinda námskeiðsins gengur vel.

Stjórnin tekur jákvætt í erindið og telur það fela í sér tækifæri til að auka þekkingu sveitarstjórnarfólks og styðja við þá vinnu sem sveitarfélögin standa frammi fyrir í loftslagsmálum. Stjórnin felur framkvæmdastjóra að kynna erindið fyrir sveitarfélögum.

6. Samskipti sambandsins við Alþingi og ríkisstjórn - 2109013SA

Lagt fram bréf sambandsins til nýkjörinna alþingismanna, dags. 27. september 2021, um samskipti sambandsins við Alþingi og ríkisstjórn, ásamt fylgiskjali.

Bjarni Jónsson vék af fundi kl. 13:55.

7. Ráðstefnumat fjármálaráðstefnu 2021 - 2009144SA

Lagt fram minnisblað sérfræðings á hag- og upplýsingasviði sambandsins, dags. 25. október 2021, um niðurstöður ráðstefnumats fjármálaráðstefnu sveitarfélaga 2021. Sviðsstjóri hag- og upplýsingasviðs fór yfir minnisblaðið en þar kemur fram að almennt voru þátttakendur mjög ánægðir með fyrirkomulag, efnistök og framkvæmd ráðstefnunnar.

8. Tilnefning í starfshóp um endurskoðun kafla 7, 9 og 10 í aðalnámskrá leikskóla - 2109033SA

Lagt fram til kynningar bréf sambandsins til mennta- og menningarmálaráðuneytisins, dags. 28. september 2021, þar sem Halldóra Pétursdóttir, leikskólafulltrúi í Garðabæ, er tilnefnd í starfshóp um endurskoðun kafla 7, 9 og 10 í aðalnámskrá leikskóla.

9. Tilnefning í stýrihóp Innkaupaskólans - 2110020SA

Lagt fram til kynningar bréf sambandsins til Ríkiskaupa, dags. 18. október 2021, þar sem Bryndís Gunnlaugsdóttir, lögfræðingur á lögfræði- og velferðarsviði sambandsins, er tilnefnd í stýrihóp Innkaupaskólans.

10. Tilnefning í starfshóp um innleiðingu samþættrar þjónustu í þágu farsældar barna - 2110015SA

Lagt fram til kynningar bréf sambandsins til félagsmálaráðuneytisins, dags. 21. október 2021, þar sem María Ingibjörg Kristjánsdóttir, félagsþjónustufulltrúi á lögfræði- og velferðarsviði sambandsins, er tilnefnd sem aðalmaður í starfshóp um innleiðingu samþættrar þjónustu í þágu farsældar barna, og Svandís Ingimundardóttir, skólamálafulltrúi á lögfræði- og velferðarsviði sambandsins, til vara.

11. Tilnefning í þverfaglegan starfshóp varðandi reglugerð um bótaskyldan atvinnusjúkdóm - 2110002SA

Lagt fram til kynningar bréf sambandsins til heilbrigðisráðuneytisins, dags. 25. október 2021, þar sem Ellisif Tinna Víðisdóttir, er tilnefnd í þverfaglegan starfshóp varðandi reglugerð um bótaskyldan atvinnusjúkdóm.

12. Umsögn um skilgreiningu opinberrar þjónustu og jöfnun aðgengis - 2109044SA

Lögð fram til kynningar umsögn sambandsins til samgöngu- og sveitarstjórnarráðuneytisins, dags. 30. september 2021, um skilgreiningu opinberrar þjónustu og jöfnun gengis, mál nr. S-157/2021.

13. Umsögn um drög að reglugerð um breytingu á reglugerð um Jöfnunarsjóð sveitarfélaga - 2109020SA

Lögð fram til kynningar umsögn sambandsins til samgöngu- og sveitarstjórnarráðuneytisins, dags. 19. október 2021, um drög að breytingu á reglugerð nr. 1088/2018 um Jöfnunarsjóð sveitarfélaga, mál nr. S-189/2021.

14. Skýrsla um ástand stoppistöðva á landsvísu - 2103028SA

Lögð fram til kynningar skýrsla sem VSÓ ráðgjöf vann fyrir Öryrkjabandalag Íslands um ástand stoppistöðva á landsvísu, dags. 1. september 2021.

15. Viðmiðunarlaunatafla fyrir fulltrúa í sveitarstjórnnum - 2110013SA

Lagt fram til kynningar bréf sambandsins til framkvæmdastjóra sveitarfélaga, dags. 14. október 2021, um viðmiðunarlaunatöflu fyrir fulltrúa í sveitarstjórnnum.

16. Ályktanir landsþings Proskahjálpar 2021 - 2110026SA

Lagðar fram til kynningar ályktanir sem samþykktar voru á landsþingi Landssamtaka Proskahjálpar 9. október 2021.

17. Ályktun haustþings Samtaka sveitarfélaga á Norðurlandi vestra - 2110034SA

Lögð fram til kynningar ályktun sem samþykkt var á haustþingi Samtaka sveitarfélaga á Norðurlandi vestra 22. október 2021.

18. Uppsetning búnaðar til útsendinga útvarps í jarðgöngum o.fl. - 2106009SA

Lagt fram til kynningar bréf Samgöngufélagsins til Bolungarvíkurkaupstaðar, Ísafjarðarbæjar, Fjallabyggðar, Fjarðabyggðar og Sveitarfélagsins Hornafjarðar, dags. 13. október 2021, um uppsetningu búnaðar til útsendinga útvarps í jarðgöngum o.fl.

Fundi var slitið kl. 13:59

Aldís Hafsteinsdóttir

Skúli Þór Helgason

Gunnar Einarsson

Guðmundur Ari Sigurjónsson

Rakel Óskarsdóttir

Bjarni Jónsson

Gauti Jóhannesson

Lilja Einarsdóttir